

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono. (1805)

## QUÆSTIO MEDICA

Liby 1505

Quodlibetariis disputationibus, manè discutienda in Scholis Medicorum, die Jovis quintâ Januarii.

M. RENATO LE CONTE, Doctore Medico, Præside.

*An Parotidis unica, Lethargi vindex?*

**E**ST Lethargus leve ac juxta Delirium, cum memoriæ, sensus, & motus absentia conjunctum. Hoc qui consistantur altum dormiunt, liberâ tamen respiratione. Alter assiduo tentatur veterno, intermittens alterum sopor occupat. Febrem habet comitem hæc ægritudo, causam nihilominus à lentâ frigidaque pituitâ cerebrum obstruente; fit obstructio in ejus Cortice, non in ventriculis. Cessant hoc in morbo spiritus incolæ cerebri, non item qui fluunt à cerebello in præcordia. Immedicabile malum! nisi paterent viæ quibus caput expurgaretur. Inde frequens in Lethargo decubitus humoris in glandulas Parotides calvariae vicinas: ipsis inest raritas quædam & assimilis spongiis mollitudo ad excipiendam pituitam aptissima; auri sua cuique subest ejusmodi glandula; Glandulam in unam si fluxerit humor, unicam timeas Parotidem, si in utramque, geminam speres. Parotidis ut sit Lethargi vindex, hujus illa parentem pituitam haurire debet è cerebro quasi concoctam, eandem spatio satis amplo totam comprehendere.

**A**LTO capite repostum si quid humoris restiterit, ab aliis cave soporis insultibus: Cerebra est in vitium flecti cerebri substantia, cum mollis, delicatula; recens à morbo rea facile fit ægritudinis novæ. Cruda si fuerit materies hospita Parotidis, eam putes è cerebro dissiliisse copiâ redundantem, non attemperatam decubuisse, quam ab uno speraveris. Eadem materies haud satis parenti alveo coercita, eò resilit unde venerat, novas ibi strages editura.

**I**N Lethargo, dum caput gemit sub humorum pondere, si solitaria Parotidis eminet, an illa cerebrum expurgabit? an ebibet totam materiem quæ stagnat intus & in cortice? quâ tanta pituitæ moles unâ coercebatur glandulâ? qui stillat in eam liquor, an coctione mitificatus est? id boni ne quæsieris in una Parotide.

**P**ARTES habet cerebrum membranâ divisas: dextram, sinistram. Hoc propter sepimentum, liquoris nihil ex alterâ transit in alteram, nullus in unam Parotidem decubitus ex toto cerebro; haud secus ac in Thorace propter mediastinum, nihil inter utrumque latus societatis, è dextro nihil puris penetrat in sinistram. Insuper, ex utraque cerebri regione effluat (quod advenit) in unam Parotidem pituita, an hîc, ut in geminâ, facile diversabitur? ambæ cum tument Parotides, quoties revomunt in cerebrum depositos humores! igitur ambarum onere unica si prematur, quàm promptior, quàm periculosior refluxus: quin & unica Parotidis cruditatis foetus est, non coctionis: cocta materies copiosè fluit, non parçè; nec ab unâ parte, si duas obsidet. Abscessus *ἡμίσποτος* non cocti sed turgentis est humoris argumentum.

**C**ONSTAT itaque Parotidem erumpere haud criticè, si unicè. Nihil boni ab unicâ: index illa Lethargi, non vindex. Nihil à ferosâ colluvie locis angustioribus coarctatâ, nihil ab humoris excreti penuriâ, cruditate, salubritatis. Quæ mala non invehit Lethæus liquor, dum refluit in cerebrum Parotidis tabe contaminatus? Quid umbræ non affundit menti? quas non renovat obstructions, nervosi generis animam suffocaturus?

*Non ergo Parotidis unica Lethargi vindex.*

DOMINI DOCTORES DISPUTATURI.

M. Ambrosius-Nicolaus Chemineau.  
M. Joannes Gelli.  
M. Ludovicus Poirier.

M. Petrus Bourdelot, Medicus Regis perpetuò ord.  
M. Joannes-Baptista-Renatus Moreau, Professor Reg.  
M. Renatus le Conte, Præses.

M. Franciscus Afforty.  
M. Nicolaus de Jouveanci.  
M. Franciscus Pajot, Antiquior Scholæ Magister.

Proponebat Parisiis NICOLAUS ANDRY, Lugdunius, Baccalaureus Medicus. A. R. S. H. 1696.

